

II survetsch archeologic grischun

Autor(en): **Defuns, Aluis**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **66 (1981)**

Heft 17

PDF erstellt am: **30.04.2024**

Persistenter Link: <https://doi.org/10.5169/seals-882248>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

Il survetsch archeologic grischun

da Aluis Defuns

Sco ils pli biars cantuns dalla Svizra, posseda era il cantun Grischun ina partiziun per archeologica. El cantun Grischun senumna quella partiziun «Survetsch archeologic grischun» ed ei suttamessa al departament da



**Anfladas archeologicas
Fontaunas
da nossa historia**

Placat dil Survetsch archeologic grischun

giustia e polizia. Il cau dil Survetsch archeologic grischun ei igl archeolog cantunal.

Il Survetsch archeologic grischun exista dapi igl onn 1967. Ils onns avon vegnevan las excavaziuns menadas atras sut la direcziun dil Museum retic.

Tgei missiun ha il Survetsch archeologic grischun (SAGR)?

L'impuronta missiun dil Survetsch archeologic grischun ei da far las excavaziuns, schurmegiar, salvar e mantener tut las anfladas ch'ein impurtontas per la historia e cultura da nies cantun.

Cu, nua e pertgei fa il Survetsch archeologic excavaziuns?


Tier il Survetsch archeologic vegnan las lavurs vid excavaziuns partidas en sco suonda:

- excavaziuns planisadas
- excavaziuns urgentas
- sondaziuns
- annunzias d'anfladas

Excavaziuns planisadas


Muort motivs finanzials e da persunal san excavaziuns planisadas vegrir menadas atras mo fetg darar. Ei setracta cheu dad objects u loghens fetg interessants per la historia. L'existenza da tals objects ei demussada tras anfladas da pli baul, tras observaziuns e tras sondaziuns. Cun quei che tals objects secattan il pli savens en loghens buca periclitai tras surbaghegiadas, ni stattan schizun sut schurmetg, san ins refierer cun buna cunscienzia l'excavaziun sin pli tard. Cheu entgins objects pli enconuscents:

Trun-Grepault, Surin-Crestaulta, Vuorz-Munt s. Gieri



Trun-Grepault: Culegna prehistorica

Foto Dr. Benedikt Frei




Surin-Crestaulta: Culegna prehistorica

Foto: SAGR

Excavaziuns urgentas

Quellas excavaziuns pretendan il pli bia temps dil Survetsch archeologic grischun. Ils motivs ein ils suandonts: Egl entir cantun vegn baghegiau stedi vias, casas, renovau baselgias etc. Fetg savens schabegia ei lu ch'ins frunta sin restonzas dil temps vargau. Il Survetsch archeologic sto pia esser presents empau dapertut, quei ch'ei cumbinau cun bein enqual



Maladers: «Tummihügel» Excavaziun urgenta Foto: SAGR

problem. Era astgan la laver e las retschercas buca cuzzar memia ditg per gie buca retardar ils tiarms da baghegiar.

Savens schabegia ei era che las maschinas da baghegiar han gia caschunau donns irreparabels cura ch'il SAGR vegn silla piazza.

Aschia sto ei vegnir luvrau il pli savens sut il motto: «Salvar quei ch'ei aunc pusseivel».

Sondaziuns

Sondaziuns vegnan fatgas leu, nua ch'ins enconuscha baul avunda igl intent da baghegiar e smina anfladas archeologicas.

Sin fundament dalla sondaziun san ins constatar la dimensiun e datar las anfladas. Silsuenter san ins fixar il termin per l'excavaziun ed era il temps ch'ei drova leutier. Sche zaco pusseivel sesprov'ins adina d'anflar ina sligiaziun che cuntenta tut ils pertuccai.


Quella successiun ei seguir la pli ideala per il Survetsch archeologic.



Castaneda: Pian del Remit, sondaziuns Foto: SAGR

Annunzias d'anfladas

Savens survegn il Survetsch archeologic Grischun era annunzias da persunas ch'han fatg tscheu u leu observaziuns pli specialas. Quellas annunzias ston vegnir examinadas schi spert sco pusseivel. Il temps da stad ei in conluvrer dil Survetsch archeologic bunamein di per di zanua sin viadi per intercurir talas annunzias.



Tinizun: Skelet anflaus tier ina ingrondaziun d'ina casa

Foto: SAGR


Il bia eis ei sufficient da controllar, far ina fotografia, ina skizza ed entginas notizias per igl archiv.

Il Survetsch archeologic ei fetg engrazieivels per mintga annunzia, sa aschia bein enqual interessant object vegrifraus avon ch'el svanschi per adina.

Co vegrifra ina excavaziun fatga?


Discuorer sur da metodos d'excavaziuns mass cheu empau memia en detagl, ei gie mintga excavaziun differenta ina da l'autra. Il lectur interesau anfla segir cudaschis dil fatg. Mo tuttina ston entgins impurtonts detagls vegrifra declarai, ton per mussar ch'oz vegrifra buca pli semplamein mo cavau per anflar enzatgei, mobein cavau sistematicamein e sin moda scientifica.

Avon ch'entscheiver cun l'excavaziun ston entginas preparativas vegrifras. Gl'emprem vegrifra igl areal dall'excavaziun stitgnaus giu e segiraus. Lura ston baraccas per material e biro vegrifra erigidas. Igl entir areal che vegrifra excavaus vegrifra allura surtratgs cun ina reit da triangulaziun. Sil-




Cuera, Welschdörfli: Casa romana cun in plantschiu da lenn daventada l'unfrenda d'in barschament.

Foto: SAGR



Cuera, Welschdörfli: Rasada prehistorica duront l'excavaziun

Foto: SAGR



Cuera, Welschdörfli: Profil cun rasadas archeologicas

Foto: SAGR


suenter vegn il tschespet ed il humus cavaus naven. Quella laver succeda cun ina maschina ni a maun, tenor grondezia digl areal.

Las rasadas che cuntexnan neginas anfladas (las qualas ins ha già erui tier la sondaziun) san era vegnir pridas naven senza pli grond quitau. Quei spargna aschia dabia temps. Rasadas che cuntexnan anfladas vegnan pridas naven en etappas. Suenter mintga etappa vegn la situaziun fotografada e silsuenter dessignada, crap per crap. Tut las observaziuns che vegnan fatgas duront l'excavaziun vegnan nudadas en in diari. Ellas ein da fetg gronda impurtonza per la valetaziun dall'excavaziun. Tut las anfladas vegnan descrettas, sortidas e numeradas.

Aschia vegn ei priu naven rasada per rasada, tochen ch'ins arriva sil terren carschiu. Pér lu ei l'excavaziun alla fin.

Tgei schabegia cul material anflau suenter l'excavaziun?

Cun la finiziun dall'excavaziun ei la laver dil Survetsch archeologic aunc ditg buca terminada. Ussa entscheiva la laver minuziosa els biros, magasins ed el Museum retic. Tut il material anflau sto gl'emprem vegnir




Cuera, Welschdörfli: Statuetas romanas avon la restauraziun


Foto: SAGR

schubergiaus, sortius, conservaus e restauraus. Las lavurs da conservar e restaurar vegnan fatgas il pli savens da glieud dil fatg dil Museum retic. Silsuenter vegnan las anfladas fotografadas, dessignadas e la finala inventarisadas. Iis plans dessignai ora sil camp d'excavaziun vegnan dessignai da schuber. La documentaziun ed il material anflau vegnan ussa valetai scientificamein e quei suenter las pli modernas metodos d'ozildi. Alla fin vegnan tut ils resultats rimnai e luvrai ora en ina lavur scientifica che vegn publicada en ina gasetta dil fatg (Mitteilungsblatt und Jahrbuch der Schweizerischen Gesellschaft für Ur- und Frühgeschichte (SGUF), Bündner Monatsblatt) sco era per part en las gassetas quotidianas.

Cun quei ei la lavur dil Survetsch archeologic Grischun terminada ed il material anflau sa vegnir surschaus al Museum retic per conservar ed exponer.



Cuera, Welschdörfli: Statuetas romanas suenter la restauraziun: Mercur e Diana
Foto: Reinhardt Cuera



Cuera, Welschdörfli: Anfladas ord rasadas romanas

Foto: SAGR



Cuera, Welschdörfli: Anfladas ord rasadas prehistoricas

Foto: SAGR



Mesocco: Ruog culaus ensemble

Foto: SAGR